

庶物類纂

果屬

自三十九至四十

容

第百七十三函

太政官文庫			
和書門	特別	一二三六二	號類
	幕	奉	署
四六五	冊架	函	號類

內閣文庫			
番號	和	32362	
冊數	465(430)		
函號	特	54	1

共十九




A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak







庶物類纂果屬卷之三十九目次

枇杷

焦子

楊梅

自楊梅

庶物類纂

卷三十九

果屬目次

枇杷

一名蠟清異錄 一名無憂扇華夷花木考 一名盧
 橘同上 一名尖精潛確居類書

枇杷

枇杷一名盧橘。樹高丈餘，易種，肥枝長，葉微以栗，大如驢耳，背有黃毛，形似琵琶，故名。陰密，四時不凋，婆娑可愛。冬開白花，三四月成實，簇結有毛。大者如雞子，小者如龍眼，味甜而酢。白者為上，黃者次之。皮肉薄，核大如茅栗。相傳枇杷秋萌，冬花，春實，夏熟，備四時之氣。他物無與類者。建業野人種枇杷，誇其色曰：蠟兒。襄漢吳蜀淮揚閩嶺江西湖南北皆有。無核者名佳子，出廣州。

明王蓋臣二如亭群芳譜

建中元年詔南山歲貢枇杷取一次以供宗廟唐史同
謹按南山當作江南

枇杷葉似琵琶故名一名盧橘唐子西云枇杷盧橘一也而上林賦曰盧橘夏熟又曰枇杷燃枊則顯然二物吳曾引張勃吳錄云建安郡中有橘冬月於樹上覆裹之至明年春夏色變青黑味尤絕美魏主花木志云蜀土有給客橙亦名盧橘乃知枇杷不當冒盧橘之名矣唯廣人呼盧橘為枇杷為盧橘圖經本草曰枇杷木高丈餘葉作驢耳形背有毛其本陰密

枝葉婆娑四時不凋盛冬開白花至三四月成實故謝瞻賦云稟金秋之青條抱東陽之和氣肇寒葩於結霜成炎果乎纖露其作實毬如黃梅皮肉甚薄中核如小栗四月採葉暴乾治肺氣止渴疾漳州志云春果已過夏果未成此果適熟故諺有枇杷黃果子荒之說蘇州志云枇杷肉厚味甘或有核者小如椒故名椒子枇杷春三月宜用本色接按果經謂此本初接則核小再接則無核便民圖纂云以核種之即出待長移栽宜用淋過淡灰壅根若澆糞則葉謝木

死明周文華致富全書

荊州土地記曰宜都出大批杷後魏賈思勰齊民要術

建業野人種枇杷者特其色曰蠟兒宋陶穀清異錄

枇杷出東洞庭大自種者小然卻有風味獨核者佳

蓋他果須接乃生獨此果直種之亦能生也明王敬美學圃

雜疏

枇杷葉一名無憂扇明慎懋官華夷花木考

今廣東呼枇杷為盧橘知府龐公振卿言之同上

相傳枇杷秋而萌冬而花春而子及夏而熟得四時

之氣他物無與類者讀顏氏家訓易統卦驗皆曰苦

菜生于秋更冬歷春夏乃成則又未嘗無類也明王仲遵

花史左編

枇杷一名盧橘樹高一二丈葉似琵琶又如驢耳背

有淡黃毛枝葉婆娑凌冬不凋秋發細蕊成穗冬開

白花來春結子簇結作球微有毛如鵝黃小李至夏

成熟滿樹皆金其味甘美收核種之即出待長移栽

春月用本色肥枝接過則實大而核小若再接一次

則無核矣性不喜糞但以淋過淡灰壅之自能榮茂

果木中獨備四時之氣者惟枇杷核能去微垢清陳
花鏡秘傳

焦子

一名椒子西湖遊覽志

焦子

枇杷無核者名焦子出廣州明李東璧本草綱目

枇杷白者為上黃者次之無核者名椒子明田汝成西湖遊覽志

枇杷冬花夏實葉綠可愛實叢生如金丸園圃中多種之頂山上方院有一種無核常熟縣志

楊梅

一名杙北戶錄 一名火實潛確居 一名龍睛同上

俗名也埋貌山州城

楊梅

楊梅一名杔子生江南嶺南山谷間會稽產者為天下冠吳中楊梅種類甚多名大葉者最早熟味甚佳次則下山本出茗溪移植光福山中尤勝又次為青蒂白蒂及大小松子此外味皆不及樹若荔枝葉細青如龍眼及紫瑞香二月開花結實如楮實子肉在核上無皮殼五月熟生青熟則有白紅紫三色紅勝白紫勝紅顆大核細鹽藏蜜漬糖製火酒浸皆佳可致遠東方朔林邑記云邑有楊梅大如盃盞青時酸

熟則如蜜用以釀酒號為梅花耐甚珍重之揚州呼
白者為聖僧張華博物志言地瘴處多生楊梅信然
多食令人傷熱食核中仁可解明王蓋臣二
如亭群芳譜
核仁以柿漆拌核暴之則自裂可治脚氣

種法性宜山地核投糞池中浸六月取出收潤土中
二月鋤地種之待長尺許次年移栽三四年後以生
子枝接之次年二月仍移栽山地多留宿土臘月內
離根四五尺於高處開溝灰糞壅之不宜著根每遇
雨肥水滲下則結子大而肥物類相感志云桑樹接

楊梅則不酸樹上生癩以甘草釘釘之則去皆物理
之妙也同上

製用糖楊梅以梅三斤為率用鹽一兩淹半日沸湯
浸一夜控乾入糖二斤薄荷葉一大把輕手拌勻日
暴汁乾收同上

客有言閩廣荔枝何物可對者或對西涼葡萄予以
為未若吳越楊梅 詩云五月楊梅已滿林初

疑一顆價千金味方河朔葡萄重色比瀘南荔子深
則古人亦有舉而方之者矣 蘇東坡
○同上

楊梅如楮實有紅紫白三色以五月中熟圖經本草曰楊梅亦生江嶺南其木若荔枝而葉細陰厚其實生青熟紅肉在核上無皮殼核中有仁甚香王薤守會稽童貫患脚氣或云楊梅仁可療薤獻五十石因擢待制忠雅云楊梅樹不甚高大實如彈丸始青中紅終紫味酸而甜多生包山等處江南佳果也揚州有一種白者土人呼為聖僧梅張司空言地瘴生楊梅恐非至論吳邑志曰楊梅為吳中名品出光福山銅坑第一聚塢次之洞庭所產尤多唯宜醃以行遠

其他蜜漬礬收火煙糖浸皆有法西湖游覽志曰楊梅諸山多有之而煙霞塢東墓嶺十八澗皋亭山者肉鬆核小味尤甜美閩廣人盛稱荔枝無物可比或以西涼蒲萄當之然總不若吳越楊梅也柯正平詩云五月楊梅已滿林初疑一一價千金味方河朔蒲萄重色比瀘南荔子深則古人已有舉而方之矣便民圖纂云六月間糞池浸核取出收盒二月鋤種待長尺許次年三月移栽三四年後接以別樹生子枝條復栽山地多留宿土臘月開溝於根旁高處離四

五尺許以灰糞壅之不宜著根每遇雨肥水滲下則
結子肥大楊梅種宜山地平土雖可移植子小不肥
結亦甚少或云以青石屑拌黃土種之糞以羊矢則
盛又云桑上接楊梅生子不酸樹或生癩以甘草釘
之明周文華致富全書

楊梅其子如彈丸正赤五月中熟熟時似梅其味甜
酸陸賈南越行紀曰羅浮山頂有湖楊梅山桃繞其
際海人時登採拾止得子上飽噉不得持下東方朔
林邑記曰林邑出楊梅其大如椀益青時極酸既紅

味如崖蜜以醞酒號梅香耐非貴人重客不得飲之

晉嵇含南方草木狀

楊梅阜角木皆有雌雄雄者不實鑿木幹作方寸穴
取雌木填之乃實銀杏葉如鴨腳獨窠者不實偶生
及叢生者乃實宋彭乘黑容揮犀

楊梅須山土吾地沙土非宜種之亦能生但小耳樹
極婆娑可愛今當種澹圃高岡上與山礬相覆蔭明王
敬美學圃雜疏

果實芡藕菱芡皆佳而楊梅殊絕出太子灣者大幾

如卵甘不勝口

明謝肇淛西吳枝乘

山有楊梅二樹結實雖小而味帶酸甘自為佳品歲

收曝之為茗供取

吳郡楊循吉居山雜志

王凝字豐父守會稽童貫時方用事貫苦脚氣或云

楊梅仁可療是疾豐父哀五十石以獻之後擢待制

再任不歷貼職徑登次對惟豐父一人此揮麈錄所

載也盱眙獻涼州之酒程松市北珠之冠小人之

恒態也不知五十石楊梅仁何以能哀乎

明慎懋官華夷花木

考

楊梅木似荔枝葉細陰厚實生青熟紅如鶴頂狀諸

邑皆有而懷安桐口所產者尤佳

八閩通志

楊梅有紅白二種此果出楊州者最佳故名

泉州府志

異物志曰楊梅如彈丸味酸蓋昔人未識會稽楊梅

今出項里何塔六峯塘裏其品之最佳者曰官長梅

色深紫香味俱絕曰線梅一名稜梅其實有紋隆隆

如線故名色尤紫實大核小亦可亞官長梅也曰烏

漉梅色黑而韻下曰孫家梅色紅而酢越人多漬以

糖或鹽以案酒曰聖僧梅色白曰白蒂梅曰何塔蚤


梅曰金家晚梅曰三線梅斯為下矣會稽志

本性酷好之物可以當藥凡人一生必有偏嗜偏好之一物如文主之嗜菖蒲道曾哲之嗜羊棗劉伶之嗜酒盧仝之嗜茶權長孺之嗜瓜皆癖嗜也癖之所存性命與通劇病得此皆稱良藥醫士不明此理必按本草而稽查藥性稍與症左即鳩毒視之此異疾之不能遽瘳也予嘗以身試之庚午之歲疫癘盛行一門之內無不呻吟而惟予獨甚時當夏五應薦楊梅而予之嗜此較前人之癖菖蒲羊棗諸物殆有甚

焉每食必過一斗因訊妻孥曰此果曾入市否妻孥知其既有而未敢遽進使人密訊于醫醫者曰其性極熱適與症反無論多食即一二枚亦可喪命家人識其不可而恐予固索遂詭詞以應謂此時未得越數日或可致之詎料予宅隣街賣花售果之聲時時達于戶內忽有大聲疾呼而過予門者知為楊家果也予始窮詰家人彼以醫士之言對予曰碌碌巫咸彼烏知此急為購之及其既得纔一沁齒而滿胸之鬱結俱開嚥入腹中則五臟皆和四體盡適不知前

病為何物矣家人睹此知醫言不驗亦聽其食而不
之禁病遂以此得痊由是觀之無病不可自醫無物
不可當藥但須以漸嘗試由少而多視其可進而進
之始不以身為孤注又有因嗜此物食之過多因而
成疾者又當別論不得盡執以酒解醒之說遂其勢
而益之然食之既厭而成疾者一見此物即避之如
讐不相忌而相能即為對症之藥可知已清李漁問
情偶奇
謹按楊家果郭子曰楊氏子年九歲孔君幸詣其
父設果有楊梅孔指示兒曰此實君家果兒應聲


答曰未聞孔雀是夫子家禽



白楊梅

一名聖僧梅致富全書 一名水精楊梅五雜組

果屬 白楊梅



白楊梅

楊梅葉如龍眼樹冬青一名杔音求潘州有白色者甜

而絕大唐段公路北戶錄

楊梅揚州有一種白者土人呼為聖僧梅明周文華致富全書

楊梅以吳興太子灣者為佳紫黑若桑椹入口甘而不

酢又有一種白色者名為水精楊梅余於己酉夏

避暑吳山臧晉叔見餉數十顆甘美勝常家人驚異

傳翫以為在吳興五年所未嘗見也明謝肇淛五雜組

楊梅紫者楊誠齋所謂玉肌半醉生紅粟墨暈微深

染紫裳者也。白者揚州所呼聖僧也。春分前接用海桐壅空水淋淡艸灰。吳下者大贊寧曰楊梅核碎必八塊。北戶錄曰潘州有白楊梅俗以火酒浸之。清皖桐方氏物理小識

庶物類纂果屬卷之四十一目次

- 榧
- 被子
- 銀杏
- 核桃
- 山核桃
- 胡桃

本草綱目卷之四十一

榧

一名赤果

日用本草

一名玉榧

同上

一名文木

本草綱目

一名玉山果

同上

一名野杉

同上

一名火榧


三會稽賦

補註

俗名革也

蘇物類纂

果屬 榧



榧

榧一名玉榧一名梭子一名赤果一名玉山果生永昌以信州玉山者為佳本地人呼為杉木大者連抱高數仞雄者華而雌者實其木形如栢木理似松細栗堪為器用葉似杉冬月開黃圓花結實如棗核長如橄欖無稜而殼薄黃白色其仁肉白外有一層黑粗衣小而心實者尤佳一樹不下數十斛味甘平瀟無毒治五痔太三蟲治咳嗽助陽道輕身明目祛蟲毒鬼疰惡毒殺腹中大小諸蟲者素羹味更甜美同

甘蔗食其滓自與豬脂炒榧黑皮自脫性熱同鴛肉食令人上壅生斷節風同菜豆食殺人忌火氣明王蓋臣

二如亭羣芳譜

收藏以盛茶舊磁甕收之經久不壞欲種以二月下

字同上

榧實按榧字似誤查本草發明係榧字一名赤果味

甘屬土與金無毒果部原不載今當以榧子為是合

前卷木部內榧子証之即明滕弘神農本經會通

榧子生山谷及閩浙多有之葉似鳳尾而子生莖中

味甘溫無毒食之益肺明王思義三才圖會

火榧一曰玉榧殼皮甲也爾雅翼曰榧實有皮殼大

小如棗而短太皮殼可生食明尹壇會稽三賦補註

榧出西山香城寺者佳俗名丁香榧南昌府志

榧一名被子一名玉榧俗呼赤果產自永昌杭州者

不及信州玉山之佳葉似杉而異形其材文彩而堅

本大連抱高有數仞古稱文木堪為器用樹有牝牡

壯者開花而牝者結實理有相感不可致詰也冬日

開黃圓花其實有皮殼如棗而尖短太皮殼可以生

食若火焙過便能久藏食夏香美大槩以細長而心實者為佳一樹可得數十斛二月下子種清陳湜子祕傳花鏡

被子

一名彼子嘉祐補註本草 一名熊子同上 一名麤榧注

食物 本草

被子

鹿藿榧其木相似但理麤色赤其子稍肥大僅圓不尖
本草有被子味溫有毒主腹中邪氣太三蟲蛇螫蠱
毒鬼疰伏尸又爾雅云彼當作被木似柏子名榧蓋

被子即麤榧也元李杲食物本草

汪穎曰榧有一種粗榧其木與榧相似但理色赤耳
其子稍肥大僅圓不尖神農本草被子即粗榧也明李

東璧本草綱目

榧實被子治療相同一物無疑顧逢伯分部本草

披小而美者出於豎古稱披出玉山世以為上饒而
漢志歙有玉山未知孰是其木為什器几案則明潔
而宜漆爾雅曰櫛披按二物葉甚相類但櫛聳而被
垂披又有佳實此為不同耳

見徽州府志○明慎
懋官華夷花木考

銀杏

一名鴨腳子墨莊漫錄 一名仁杏食物本草 一名白果
上同一名白眼同上 一名靈眼同上 一名公孫樹華夷
花木考 一名白杏分部本草 一名佛指甲浙江通志

俗名異地也胡山城

博物類纂 卷四十一

銀杏

銀杏一名白果一名鴨腳子處處皆有以宣城為盛
樹高二三丈或至連抱可作棟梁葉如鴨腳面綠背
淡白有刻缺二月開花成簇青白色二夏開旋落人
罕見一_ナ枝結子百十狀如小杏色青經霜乃熟色黃
而氣臭爛_ニ肉取核為果其核兩頭尖中圓大而扁
三稜為雄二稜為雌其仁嫩時綠久則黃樹耐久肌
理白膩術家取刻符印云能令使鬼神氣味甘微苦
平澀無毒生食解酒降痰消毒殺蟲熟食溫肺益氣


博物類纂 卷四十一 果屬 銀杏 二

定喘嗽、縮小便、止白濁、搗汁浣衣、去油膩、食多壅氣、
臚脹昏頓、三元延壽書言、白果食滿千顆、殺人、昔有
歲饑、以白果代飯、食滿者、次日皆死、小兒食多、昏霍
發驚、引疳、同鰻鱺食、患栗風、明王蓋臣二如亭羣芳譜
種植須雌雄同種、其樹相望、乃結實、雌者兩稜、雄者
三稜、或雌樹臨水、照影亦可、或鑿一孔、納雄木一塊、
泥之、亦結、陰陽相感之妙如此、同上
移栽、春分前後、先掘深坑、水攪成稀泥、然後下栽、子
掘時、連土繩縛、牢不令散碎、則易活、同上

採摘熟時、以竹篾箍樹本、擊篾則銀杏自落、同上
宋、初始著名、本草同上

蒲城、白果一樹、世傳仙人所擲、枝垂生果、出身樹腫、
成壘塊、破之得二、三斗、或至石餘、形筮、小味、則不殊、
同上


龔、晉、汴人、殿中侍御史、扈從高宗南渡、道經崑山、真
義折銀杏一株、植地、祝曰、若此枝得活、吾於是居、其
枝長茂、後成大樹、繁枝蟠屈、臃腫如癭、如乳者、凡七、
十餘顆、相傳為其子孫嗣世之數、時人異之、稱為龔



遇仙樹子孫遂為崑山人。崑山縣志。○同上

銀杏葉似鴨腳古名鴨腳樹菽園雜記曰銀杏實如杏而核中仁可食故曰仁杏今云銀杏似是而非一名公孫樹言公種而孫始得食北人稱為白果南人亦呼之吳俗皆稱靈眼又稱白眼其木高大多歷年歲或至連抱其木理最細用作園亭顏額甚雅摹刻名書不失筆法其花夜開晝落實大如枇杷每一枝有百十顆八九月熟積而腐之惟取其核即銀杏也核白肉青煨熟食之甘香可人能收小僂令不數亦

易飽仍有稜稜之分稜者肥爽香滑稜者不堪食歐陽公詩云鴨腳生江南名實未相浮絳囊因入貢銀杏貴中州又云始摘纔三四歲久予漸多梅聖俞詩云北人見鴨腳南人見胡桃識內不識外疑若橡栗韜鴨腳類綠李其名因葉高則知是果之見重自宋始矣其木有雌雄雄者不結實瑣碎錄云雄者三稜雌者二稜須合二種臨池栽之照影即生或將雌樹鑿孔以雄木填之無不結實農桑撮要曰二月於肥地用灰糞種之候長成小樹次年春分前後移栽



時連土用草包或麻纏束方始易活若接即用本色此果性寒不宜頻食小兒食多者死或云食銀杏遇毒腹脹連飲冷白酒幾盞吐出則愈不吐則死明周文華

致富全書

禁中舊有鴨腳子四本俗謂之銀杏大皆合抱其三在翠芳亭之北歲收實至數斛而所託陰隘無可臨賞之所其一在太清樓之東得地顯敞可以就賞而未賞著花也裕陵嘗臨觀而興嘆以為事有不能適人意者如此越明年一校遂花而結實至十餘瑩大

可愛裕陵大悅命宴太清樓賞之分賜禁從有筮迨次年則不復花矣中官帶御器械石璘者老於禁掖供奉常為何正臣公非言之正臣嘗記是事且謂凡艸木之華實益有常性人主者為起一念乃能感格穹壤使陰陽造化之功為之巧順曲從以適其一時之所欲豈為天子者凡一言動致穹高之鑒聽若影響之速耶由是觀之為人上者使有宋景公之言時發於誠心則召應豈俟終日哉正臣所論如此邦基嘗以正臣之子子楚見其手書因復記之宋張邦基墨莊

漫錄

銀杏樹有大合抱而不實人言樹有雌雄聞亦有法
 治之則生樹長大秋冬葉純黃間楓林中相錯如繡
 此植圃中岡上節不實可也 明王敬美學圃雜疏
 臨安銀杏俗名佛指甲視他產者特長大 明薛應旂浙江通志
 齊門外靈殿寺有大銀杏樹約二抱為土人徐鑰氏
 所購欲伐之方舉斧樹根出血樹上有聲而鑰家火
 發遂不敢伐久之復為從兄鳴伯所得竟伐之今不
 二十年徐氏與從兄俱絕祀業亦銷滅殆盡孰謂艸

水無靈哉

明張鳳翼譚輅

人啖豆二年則身重難行象肉亦然啖榆則眠不欲
 覺食燕麥令人骨節解斷食燕肉人水為蛟龍所吞
 食冬菜為狗所齧瘡不得痊食菘豆服藥無功藕與
 蜜同食可以休糧大豆多食可以不饑芎藭常服令
 人暴亡銀杏亦然余五六歲時食銀杏過多卒然暈
 眩仆地死半日方甦亦不知其所由活也 明謝肇淛五雜俎
 銀杏即白杏 顧逢伯分部本草
 銀杏核兩頭尖二稜者雄二稜者雌雌雄同種相望

乃結實或雌木不結實則鑿孔納雄木一塊泥之亦

結清皖桐方氏物理小識銀杏雖為佳果可以療病究竟不可多食食多動風

惟舉子廷試者食能截小水清陳湜子祕傳花鏡

核桃

一名胡桃博物志一名羌桃本草綱目一名播羅師

上同

俗名秃烏骨而密山城州

核桃

核桃一名胡桃。一名羌桃。張騫自胡羌得其種。故名。樹高丈許。春初生葉。長二三寸。兩兩相對。而多陰。三月開花。如栗花。穗蒼黃色。結實如青桃。九月熟。漚爛皮肉。取核內仁。為果。北方多種之。以殼薄仁肥者為佳。味甘氣熱。皮濇仁潤。治痰氣喘嗽。醋心及厲風諸病。今往往以之。下酒則昔人所云。食多動風動痰。令人惡心脫髮。及同酒多食。咯血者。妄也。或素有痰火積熱者。不宜多食。耳太抵。雷皮則消滯。太皮則養。

血潤血微和鹽食更佳大抵人之下身三焦者元氣之別使命門者三焦之本原命門為藏精繫胞之物三焦為出納腐熟之司一以體名一以用名其體非脂非肉白膜裹之上通於腦下通於腎為相火之主精命之府生入生物皆因此出核桃仁頗類其狀而外皮水汁皆黑故能通命門利三焦益氣養血與破故紙為補下焦腎命之要藥夫命門氣與腎通藏精血而惡燥若腎命不燥精氣內充則飲食自健肌膚自澤腸腑潤而血脈通此所以有黑髮固精調血治

燥之功也上通於肺而虛寒喘嗽除下通於腎而腰脚虛痛愈內而心腹諸痛止外而瘡癩腫痛散稱為要藥不虛已

明王蓋臣二如亭羣芳譜

種植選平日實佳者畱樹上勿摘俟其自落青皮自裂又棟殼光紋淺體重者作種掘地二三寸入糞一
碗鋪片瓦種一枚覆土踏實水澆之冬月凍裂殼來
春自生下用瓦者使無入地直根異日好移栽也
收藏以麤布袋盛掛風面處則不膩收松子亦用此
法優民圖纂
○同上

胡桃一名核桃又名羌桃博物志曰張騫使西域還得胡桃實圓而青如銀杏剖之乃得核核內有肉白色肉外有膜黃色有小者大者有脫肉不脫肉者味脆美與榛子相近益佳果也圖經本草曰胡桃生北土今陝洛間多有之木株厚葉多陰實亦有房秋冬時熟採之性熱不可多食初張騫植之秦中後漸生東土本草曰胡桃味甘平無毒食之令人肥健潤肌黑髮多食利小便能脫人眉外青皮染髭及帛皆黑其樹皮可染褐其木春斫皮中出水承取沐頭至黑

忠雅曰力能銷銅今試以其肉和錢同嚼錢亦可燬又曰胡桃入火中燒半紅埋灰中經三五日不燼山東通志云胡桃出濟兗青三郡青州者為佳今商賈販鬻悉從彼焙乾頗能致遠吳中園圃間亦有之樹亦易長高至二五丈下種可出數年乃生水雲錄曰種核桃將桃平埋土中即生若以尖縫向上則水浸仁壞不生接用本色別有山核桃八閩通志云山核桃木高數丈葉翠如梧桐其實堅三輔黃圖謂之萬歲子北戶錄曰山胡桃皮厚底平狀如檳榔又占卑

國出偏核桃形如半月狀波斯人取食之絕香美周明

文華致
富全書

洪輯居溧陽縣西寺事觀音甚敬幼子佛護病痰喘醫不能治凡五晝夜不乳食證危甚又呼醫杜生診視之曰三歲兒抱病如此雖扁鵲復生無如之何爾輯但憂泣辨凶具而其母以嘗失孫愁悴尤切輯益窘懼投哀請禱于觀音至中夜妻夢一婦人自後門入告曰何不服人參胡桃湯覺而語輯輯灑然悟曰是兒必活此蓋大士垂教爾急取新羅人參寸許胡

桃肉一枚不暇剝治煎為湯灌兒一蜺殼許喘即定再進遂得睡明日以湯剝去胡桃皮取淨肉入藥與服喘復作乃只如昨夕法治之信宿有瘳此藥不載於方書蓋人參定喘而帶皮胡桃則斂肺也予以淳熙丁未四月有痰疾之撓因晚對上宣諭使以胡桃肉三顆生薑三片臨臥時服之畢即飲湯三兩呷又再嚼桃薑如前數且飲湯勿行動即就枕既還玉堂如恩指敬服旦而嗽止痰不復作輯之事亦類此云

已志○朱新
安張杲醫說

頃又見北人云以胡桃條接於柳本易活而速實宋張

邦基墨莊漫錄

嘗見注龍溪彥章一帖云本年得下血疾半年有餘

今春誤食胡桃能下血注不善僉名葉如此寫宋周公謹

雲煙過眼錄

核桃北果而宜山種吾地絕少然亦可種明王敬美學圃雜疏

胡桃十月種宜大石重壓其根使實生子不脫落其

核外肉最爛手皮其核分二瓣者山核桃也占卑國

出偏核桃形如半月清皖桐方氏物理小識

胡桃一名羌桃一名萬歲子樹高數丈葉翠似梧桐

兩兩相對而長且厚而多陰三月開花如栗花穗蒼

黃色實似青桃有二種殼薄多肉易碎者名胡桃產

荆襄殼堅厚須重槌乃破者名山核桃產燕齊採用

先剖去青皮乃得核桃核內有白肉形如豬腦外有

黃膜微澀須湯泡去之可食然其性熱只宜少食下

種必擇其佳者殼光紋淺體重之核平埋土中即能

發芽若以尖縫向上則水浸其仁壞多不能活春斫

皮中出汁婦女承取沐頭則髮黑又將核入火中燒

唐物類集 卷四十一

鏡花 半紅埋灰中作火種經二四日不動亦不燼
清陳淩子祕傳

山核桃

一名山胡桃北戶錄 一名萬歲子八閩通志

俗名和尼骨而密山城州

果勿頁纂 卷四十一 果屬 山核桃 一

山核桃

山胡桃皮厚底平狀如檳榔唐段公路北戶錄

劉涓子表錄云南方有山胡桃底平如檳榔皮厚而

大堅多肉少穰其殼甚厚須椎之方破明李東璧本草綱目

胡桃出閩廣者大而殼厚味澀或肉嵌穰隔間徒具

美觀短於適口產荆襄者小而殼薄味甘肉肉細膩

脫穰充果最佳明李東璧食物本草

山胡桃底平如檳榔皮厚而堅多肉少仁內殼甚厚

須椎之方破此南方出者殊不覓佳明王蓋臣二如亭羣芳譜

山核桃木高數丈葉翠如梧桐其實堅三輔黃圖謂之萬歲子八閩通志

胡桃有二種殼薄多肉易碎者名胡桃產荆襄殼堅厚須重槌乃破者名山核桃產燕齊清陳淏子祕傳花鏡

胡桃

俗名皮眉骨而密江戶

胡桃

陳倉胡桃薄皮多肌陰平胡桃大而皮脆急捉碎郭晉

義恭廣志

胡桃產荊襄者小而殼薄味甘內肉細膩脫穰充果

最佳明李東璧食物本草

胡桃出燕齊者殼厚味澀不脫肉產荊襄者殼薄味

甘脫肉清石巖逸叟增訂致富奇書

胡桃有二種殼薄多肉易碎者名胡桃產荊襄殼堅

厚須重槌乃破者名山核桃產燕齊清陳湜子祕傳花鏡

庶物類纂
卷四十一

